



## MEĐURELIGIJSKI STUDIJ



### Ciljevi i značaj

Master program je usklađen s misijama i strategijama Univerziteta u Sarajevu i Univerziteta u Istočnom Sarajevu te pozitivnim aktima u materiji visokog obrazovanja koji naglasak stavljaju na istraživanja, inovacije i akademsku izvrsnost. Master studij daje inovativna društvena rješenja i kreativne ideje i na taj način je jedan od mogućih primjera akademske suradnje. Inovativnost master studija omogućuje intenzivnu saradnju s univerzitetima u Evropskoj uniji, ali i cijelom svijetu.

Znanstveni razlozi: Zajednički studijski programi omogućavaju bližu akademsku komunikaciju između dva univerziteta te pojedinačnih fakulteta, unapređujući intelektualnu inkluzivnost i razmjenu različitih akademskih iskustava. Osim mogućnosti interdisciplinarnog širenja znanstvenog prostora, zajednički projekti omogućuju i jačanje dinamike unutarnjeg profiliranja pojedinih fakulteta kroz pozitivnu komparaciju i sagledavanje drugačijih kulturnih, intelektualnih i tradicijskih perspektiva, čime se povećava djelotvorni univerzitetski utjecaj na ukupne društvene, kulturne i naučno-obrazovne procese u BiH, ali i u regionu.

Društveni razlozi: Zajednički studijski programi u području međureligijskih mirovnih studija nude jedinstvenu priliku jasnog pozicioniranja religije kao izvora i katalizatora mira, te profiliranje religijskih institucija kao zagovarača pravednijeg i boljeg društva. Osim toga, ovakvi programi šalju nedvosmislenu poruku odbacivanja svakog oblika nasilja koje se temelji na religijskoj pripadnosti, uz afirmiranje duhovnih i moralnih vrijednosti, a u skladu s pozitivnim tokovima bosanskohercegovačkog društva i evropskih integracijskih procesa.

### Nastava i predmeti

#### Opis predmeta, nastavni plan i materijali

Nastavni modul predstavlja kompleks od više akademskih, teorijsko-praktičnih predmeta koji se izvode sukcesivno i koji daju interdisciplinarna znanja o sadržaju modula kao cjeline. Predmetni studijski program se artikulira kroz 6 (šest) modula, koji posjeduju jasnu akademsku strukturu, povezanost i komplementarnost.

- **Modul 1** naslovljen Međureligijski modul za cilj ima izložiti određena teološka učenja triju monoteističkih religija. Inovativnost ovakvog pristupa jeste to što će tri fakulteta izložiti, potpuno autonomno, određene aspekte teoloških učenja artikuliranih kroz nekoliko nastavnih predmeta;
- **Modul 2** naslovljen Izgradnja mira za cilj ima akademski pozicionirati međureligijske studije s konceptom izgradnje mira (eng. Peacebuilding);
- **Modul 3** naslovljen Društveno-politički modul, analizira određene savremene društvene fenomene relevantne za međureligijske studije i izgradnju mira;
- **Modul 4** naslovljen Aplikativni modul, povezuje teoretski i praktični dio - kako različite teološke ideje ateriraju u konkretnu ljudsku stvarnost kroz socijalno-karitativne aktivnosti.
- **Modul 5** je rezerviran za stažiranje kako bi se studentima omogućio praktičan rad u raznim nevladinim organizacijama, medijskim centrima, lokalnim vlastima, civilnom društvu i vjerskim institucijama.
- **Modul 6** sastoji se u pisanju završne master teze.

Prilikom obrade nastavnih jedinica i različitih obrazovnih sadržaja u modulu primjenjuje se funkcionalni i holistički pristup. Gradivo predviđeno u okvirima modula interpretira se interdisciplinarno, a predviđene radionice i praktične forme nastave obuhvaćaju sve aspekte predmeta, odnosno područja primjene koja se interpretiraju na jedinstven i cjelovit način.

Predmeti:

**Pregled studija po modulima s ECTS bodovima**

	<b>Predmet</b>	<b>Nastavnici</b>	<b>Fond sati</b> (Pred.+Vj.)	<b>ECTS</b>
	<b>I. SEMESTAR</b>			<b>30</b>
1.	Biblija o ratu i miru	izv. Prof. dr. Dubravko Turalija	30+0	3
2.	Društveni nauk Katoličke crkve: od vizije do stvarnosti nasilja i mogućnosti oprosta	izv. prof. dr. Zorica Maros	30+0	4
3.	Načela muslimanskoga vjerovanja i obredi u islamu	prof. dr. Mustafa Hasani, doc dr Orhan Jašić	20+10	4
4.	Suživot, mir i rat u islamu	prof. dr. Ahmet Alibašić, doc. dr. Samedin Kadić, prof. dr.hfz. dr. Kenan Musić	30+0	3
5.	Pitanje rata i mira u pravoslavnom biblijskom i patrističkom nasljeđu	prof. dr. Vladislav Topalović, prof dr Zdravko Peno	30+0	4
6.	Socijalno učenje Pravoslavne Crkve	prof. dr. Darko Đogo	30+0	3
7.	Religija i mirovne studije	prof. dr. Nerzuk Ćurak, prof. dr. Dino Abazović	30+30	4
8.	Izgradnja mira: teorija i praksa	prof. dr. Randall Puljek Shank doc. dr. Zilka Spahić-Šiljak	30+30	5
			(20 sedmično)	
	<b>II. SEMESTAR</b>			<b>30</b>
9.	Ključne društveno-političke teme 21. stoljeća	prof. dr. Aid Smajić, izv. prof. dr. Pavle Mijović	30+0	4
10.	Praktična katolička teologija	izv. prof. dr. Šimo Maršić	15+0	2
11.	Islamska zajednica u BiH: organizacija i dobrotvorni rad	prof. dr. Asim Zubčević, doc. dr. Senad Čeman	15+0	2
12.	Pravoslavno bogoslužjenje	prof. dr. Nenad Tupeša	15+0	2
13.	Metodologija istraživanja	Izv. prof. dr. Milenko Krešić	15	2
14.	Praksa		75	3
15.	Magistarska radnja		/	15
16.			(6 sedmično)	